

雒南鄉土志稿

卷上

陳履輯



雒南縣鄉土志

小引 按該縣採訪冊乃是人陳紫蔭主政後編

雒境僻處山隅宋元迄明屢遭兵燹正統以前舊志
灰燼文獻無徵惟自正統洎

國朝乾隆十一年經薛尺斧侍御纂修若政績兵防諸要
事大略始可稽考今又百六十年矣奈雍乾嘉道間
卷牒散佚間取徵於故老傳述亦祇於可紀者紀之
茲謹遵鄉土志例編為四言韻語為便於童蒙誦習
其事略亦即詳於分註措詞亦惟期淺顯俾童蒙易

雒南鄉土志卷上

解云爾

歷史

洛水之南 縣境式廓 隋以錫名 明改為雒

按本境以洛南名縣肇自隋開皇三年初猶
從洛至明天啟元年避光宗諱始改為雒

未置以前

溯自唐虞 屬梁州地 越夏商周 界猶隸豫
春秋屬晉 秦屬內史 宏農京兆 沿革靡已



本境據華山之陽禹貢華陽黑水惟梁州三代之世復改隸豫州春秋屬晉地秦屬內史西漢屬宏農郡東漢屬京兆郡則於古之分州已錯入冀而併於雍矣

漢迄魏晉 以上洛名 周改拒陽 旋即變更

自兩漢迄魏晉均以上洛名縣後周宣政元年改置拒陽郡領拒陽一縣不久旋廢其舊址在今故

川縣

既置以後

越唐五代 宋金元明 為商屬縣 則惟其恒

國朝之初 屬西安府 為時未幾 仍屬商土

雒南縣鄉土志卷上

順治初先統隸西安府至雍正三年復隸商州

二

政績錄

前明

明初循吏 推張公璣 諸凡草創 政教兼施

張璣文水人正統中為雒令潔己裕民治有條理先是邑城草創墜堞不完璣鳩工築隍濬池營立公廨學舍勸課弦誦民從其化

考滿當遷 雒民借寇 官許遷新 任仍留舊

其後考滿當去雒民叩關懇留詔許以華州知州仍留以知縣事

後雖解組 貧難具裝 子孫弈葉 籍寄桐鄉

速以老迄 休貧不能歸里 遂寄居於雒其子孫今為冠帶族

秦公宰雒 俗猶瘠僻 極力勸學 文明漸啓

公名安麻城舉人宏治時為雒令古誼冲雅廉介自持簿書清燕召諸生下幃講經義無間寒暑由是民稍知學

趙琮為政 才具卓犖 振衰救敝 小試牛刀

趙琮瀘州人正德中由舉人令雒才具兼人試小邑必用全力尤以恤凋瘵振文教為先務次第舉措民悅安之

雒南縣志卷上

三

姚公愛民 性不媚上 寬免差徭 罕設供帳

姚潤通州舉人令雒勤政愛民當明中葉俗益華靡冠蓋餽遺不絕於塗或經過橫索夫馬供帳直不應曰吾不忍困民以媚人也後官至按察司僉事

洪公儉約 恤民愛士 百廢俱興 風俗鼓勵

軫念民艱 痛陳礦弊 遺愛在人 內遷以去

公名其道商城進士萬歷中除雒令崇禮教恤災患課農桑時方採礦公恐及雒具揭帖為十不便之議後礦禍一如其言他如繕城治隄編邑志章節孝惠給窮簷威讐強梗民皆化之會遷刑部主事以去民為建祠

去洪未遠 礦禍即作 議減歲額 賴楊公鶴

公多善政 不次超遷 未離闕隴 總制三邊

憂民之憂 允稱循吏 八名官祠 與洪并祀

楊公名鶴武陵進士萬曆中令雒時值礦務方興採權四出爭趨其利惡璫橫索課額破家流亡幫貼賠納之害波及閭里官民困窮公力質礦使議減歲額萬金往復數四以去就爭僅乃得之先是邑糧多飛訛公精心釐剔貧困得蘇未期年調長安歷官陝西三邊總督令與洪公并祀名官祠

徐公繼起 判決如流 痛恨礦賊 嚴捕窮搜

公被賊圍 民賊同仇 旋因卓異 擢赴階州

雒南縣志卷一

徐旭富順人隆慶中以真除雒令斷決如流水而德度服物當白花嶺礦賊猖獗旭躬率捕卒討之為賊圍困百姓數十里內聞風趨救得免賊奪潰擢階州知州

若李公燦 寬嚴並濟 奸弁汰除 礦徒禁戢

救災捍患 竭智殫勞 民建生祠 任擢臨洮

公滎陽舉人知縣事和易近人時礦徒爭利相攻殺傷日聞燦嚴法禁捕勢稍戢而防雒武弁為奸利害民燦具狀白當路罷之一遇災沴必竭力請命賑贍大府薦擢臨洮同知民為立祠祀之

賀公接踵 賊愈恣橫 千百成羣 盤踞林箐

單騎往諭 公被賊圍 寺僧拳勇 得救公回

賀貢亭縣舉人繼李燦治雒當萬曆季年礦使四出而礦徒所在盤踞恣為暴橫貢往諭遣之不聽轉鼓譟圍貢從隸格鬪盡死用相亭寺僧數百人具拳勇奔救死戰潰圍遂得脫逃賊亦鳥獸散公在雒偵知文大合兄弟鳩旅人狀獄具立斃諸衢時社倉浸敝遂移置城中為董正格法饑貧獲濟爭轉臨洮同知民祠祀之

別弊鋤奸 才尤敏練 郇黍召棠 至今永念

明可述者 猶有陳公 風俗振刷 節孝推崇

建三浮圖 肇興科第 今僅存一 已圯其二

公名應顯福建沙縣人天啟初為雒令學問博通以貢入太學起家任官三年務勸學崇節孝俗敦雒南縣志卷一

古處用形家言於城南建三浮圖今其一尚存舊志載應顯議祀名官十人而自張璣至賀貢僅詳其七餘若楊士元楊應儒景二陽舊志無實可據殆古稱所至無赫赫之名去後令人思者也

國朝

馮公宰雒 疏免丁糧 搶攘頓息 安集流亡

德可感神 雙歧致異 大旱作霖 萬民心慰

馮公名聖朝河間選貢授雒南知縣雒當明末民逾凋殘賦額率責取諸見戶追呼急趨之逃亡馮公憂之輒單騎詣大府請疏免荒地稅銀六十五百餘兩乃益招復流亡季年遂有麥禾雙歧之異

性尤篤孝侍母疾不御酒肉遇亢旱致誠雩禱輒獲雨後以憂去

董公名襄 湯陰進士 父母斯民 撫循備至

鼠雀爭端 羞入縣署 任雒五年 政平訟理

董公康熙間為雒令內行篤修厚德宜民是時國家初平海內雒處萬山中瘡痍未復公所至撫循課農桑厚禮俗民服其教益樸淳息忿爭終不入縣門焉久之乞移疾歸上官慰留公賦詩見志有四野民勞徒撫字五年政拙愧循良之句竟以疾去

胡公作宰 歲值凶荒 設廠煮粥 普救城鄉

搶劫橫行 幾不可制 除暴安良 恩威兼濟

雒南縣志卷一

公名永祚上海人由選貢除雒令有幹能康熙三十年歲大祲道殣相望乃於城鄉設粥廠賑饑數月存活甚眾時關內赤地數百里盜賊恣橫祚先後捕獲二十餘名置於法境內以安

叙功授官 有劉公庶 時勸墾荒 計畝加賦

稅如加多 即書上考 飾地倍糧 民生莫保

劉庶江南山陽人以諸生遊太學雍正四年大軍進征準噶爾庶從軍轉輸叙功授雒令時直省勸墾往往飾報率科賦入現田中大吏用闕土地為榮名而守令每以增多常賦署上考

公獨抗言 謂無曠土 礦害並除 雒民忤聲

檄至雒公力陳雒無曠土有不治者皆石田語甚切至是遂寢初雒被礦害民幾無遺育自明隆萬

入國初始掃迹乃晚近不見其害轉涎其利大府
廉得雒孕五金下符議採公洞悉弊源徑以無礦
力辭至官書四
五反卒得報罷

性尤清勤 劭農勉士 民為樹碑 善政歷紀

公性清勤常布袍乘款段歷鄉落問民疾苦而分
俸繕費序購十三經全史並例頒諸書構尊經閣
度置及其去也民為
樹碑道左以紀其政

暢公恤民 優於撫字 清俸慨分 纂修邑志

暢公名體元以河津科貢任雒康熙初寇火初熄
民窶甚多不能入賦者元多方體恤不事追呼而
賦額亦無甚缺家素豐嘗捐貲
修學宮纂輯邑乘雒民德之

雒南縣鄉土志卷一

七

陳公清直 大類劉君 減徵薄斂 潔己愛民

公名武嬰字聞野浙江海寧人由康熙乙未進士
雍正二年任雒雒賦故事銀一兩加徵八分名曰
使貲武嬰立除之民間買賣牛馬羊豕皆有稅公
取一市而足遠鄉慨不問其清直與劉君相類

何公樹滋 鍾祥孝廉 虛心求治 敬老尊賢

創建義學 增修邑乘 得士民心 樂於用命

公湖北鍾祥縣舉人乾隆四十九年置縣事凡有
關於士類民生者汲汲為之任雒三年若創建義
學捐膏火定規條築護城隄壩重修裴晉公祠土
木繁興而士民皆樂於趨事邑志中均為增入後
除略陽
令以去

滿洲和公 官雒最久 痛恨奸回 勾結羣醜

欺凌良善 肆意恣橫 嚴刑捕治 境絕回蹤

和保滿洲人嘉慶元年除雒令至十五年始解任相傳本境向有鄰縣回民盤踞市鎮聚賭藏奸大為民害莫敢舉發公痛恨嚴緝捕得渠魁多名置於法餘俱驅逐出境由此回民遂絕迹

王公宰邑 民頌循良 善類獎拔 惡黨遠颺

公名森文山東諸城進士嘉慶二十一年任縣事廉介自持極力獎拔善類而尤疾惡如讐任雒之日匪類皆越境遠颺數十年中父老之論循吏者必以王公為首稱

文教關心 創修試院 大厦庇承 士民皆便

雒南縣志卷一

先是邑無考棚縣試動逾七百餘公皆自備桌凳擁擠於縣署堂階每不能蔽風雨公極力捐措創建試院號舍二十餘楹甚為寬敞士民便之

旋調蒲城 貧仍如洗 卒賴文恪 送柩歸里

道光三十年五月調蒲城循聲益著尋卒於官貧不能歸櫬時王文恪在籍居憂憫其為良吏也亟為捐資送櫬以歸

馬公愛民 洵如父母 勵己清勤 問民間苦

用法無枉 亦極哀矜 恒見雨造 感激涕零

公名疏甘肅安定縣人由庶常散館除府谷令道光九年調雒在雒三年清勤自勵公餘遇紳士晉

謁必訪求民間疾苦每聽訟獄即直者理既獲伸
屈者法不容恕而猶多方開導備極哀矜恒見兩
造愧悔感激涕零故臨去卒無一詞上控凡添學
齋儲社倉課生童恤孤寡利在於民者實力舉行
愛民如子故民亦愛如父母矣

會逢亢旱 禱雨靈湫 霖雨露足 民困獲蘇

事父事兄 尤敦孝友 祀名官祠 芳名不朽

十一年調署富平旋調咸甯甫三月以憂去初迎
養封翁在雒問寢視膳無間晨昏雒民化之會亢
旱公虔誠祈禱於書堂山徒步往逝七十餘里歸
途大雨如注公衣履盡溼民因亦遂得霑足歸里
服闋後日與其兄逸情詩酒安享天年著有花萼
唱和集并日捐益齋集行於世遂不復出紳民思
雒南縣志卷一

之不置乃於咸豐七年
聯名呈請祀入名宦祠

許公麗京 仕雒兩次 得士民心 平慎治事

許公桐城進士道光十六年任雒尋告病歸里二
十二年復坐補是缺次年又調署商州以去前後
兩次宰雒治事
平慎官民相得

白公本初 有為有守 攝篆半年 惜未能久

白公河南武安縣舉人道光中署縣事
半年長厚居心士民均稱其有為有守

繼白公者 有王公棠 和平渾厚 民猶不忘

王公山東黃縣舉人道光二十二年蒞雒
任治事和平雖無甚表著去後民猶念之

傅公令雒 事無不治 委赴滇南 滇亂適遇

進退維谷 瘋癩迫置 雒中故老 憫念循吏

公名榮勳桂平舉人道光二十六年知縣事丰儀修美心地慈良在任數年事皆就理嗣於二十九年奉委赴滇辦銅適值滇亂兼廣西亦亂而眷屬在籍進退維谷迫置瘋癩之疾後亦不知所終

陳公作宰 文教振興 重新聖廟 輪奐聿崇

多士歡顏 齋房添建 案牘餘閑 殷殷講貫

公名作樞甘肅武威進士道光三十年任縣事時文廟廊廡坍塌書院齋房亦圯毀甫下車即商同紳富籌款興修案牘之暇殷殷與諸生講貫日夕忘疲

雒南縣志卷一

十

開誠布公 事無巨細 未及三年 旋以憂去

事無巨細周不開誠布公認真措處士民咸敬憚之專於咸豐二年以母憂歸起復後上臺以其諳輿情也復檄委在雒辦團年餘後由白水調長安薦升商州猶多延雒之故舊入幕佐理

繼父之政 馬公象賢 甫六越月 仍丁外艱

公名綸篤甘肅丁未進士前令疏子也接署陳公印務禮士恤民汲汲欲繼父之政惜其在官甫六越月亦竟以丁外艱去

邵公玉琳 人甚長厚 大吏擲掄 跋前疐後

任雒三次 勵已惟廉 咸陽甫調 乃卒於官

公廣西河池州人由軍功授雜令咸豐三年三月始抵雜六月即調署中部九月復回雜次年再調清澗逾年又回雜中歲之間往來幾疲於奔命蓋公之為人居心甚厚勵已亦甚廉故不免為所擲掄動形拮据洎同治元年乃調咸陽以去卒於官

伊公允楨 和平樂易 士習民風 關心培植

在雜多年 安謐無事 絀於逢迎 卒膺吏議

伊公新城進士同治九年知縣事性情端謹治事皆平易近人尤關心士習民風極力培植同光間兩調闈差往返八九年境內均安謐無事乃以誹被議民至今猶以為冤

駱公謙冲 尊賢敬長 外嚴內寬 慎刑無枉

雜南縣鄉土志卷一

十一

公名仁光緒七年署縣事尊賢敬長始終如一臨民則外嚴內寬用刑未嘗不慎

捐辦倉穀 並修倉廩 前後數任 公力居多

時雜正舉辦義倉捐粟建廩公之力為居多焉次年即檄赴米脂以去駱公浙江人

蕭公宰雜 已逾六旬 事無巨細 克振精神

公名聚星天津舉人光緒九年抵雜任已年逾六旬猶能不辭勞瘁事雖微細而門丁罔敢擅專也

債累雖增 陋規仍減 酌水勵清 循聲甚遠

前後在雜六七年廉名頗著但仁慈之過或所不免耳十九年調任寶雞又逾年乃予告歸里

傅張二公 蕭規曹隨 孫居其間 振奮有為

傳燮四川新都舉人張培之山東博山舉人先後
署雒年俱衰邁而人皆樸誠官民均尚相得孫名
永濟湖北漢陽人署雒在傳張二公之間時縣城
坍塌特甚業經前任派捐數千緡工尚未興而捐
項已多歸胥役中飽孫公剛果有威民皆畏之差
催未久捐款遂一律交清城工亦遂於數月告竣
並斷結歷年積案
數百起才具較優

政雖不同 德堪匹偶 惜乎任雒 時皆未久

惜陝章州縣署事係輪委一年傳張二公
皆及瓜而代孫公亦未獲期滿即丁外艱

教職雖微 貴乎多士 雍乾以先 罕能記憶

嘉道歷年 曹李蘇党 德重齒高 允洽衆望

雒南縣鄉土志卷一

十二

嘉慶間有曹鐸渭南舉人道光間有李心一城固
歲貢蘇海南臨潼歲貢俱久於其職與諸生情意
無間而蘇尤齒高望重至今尚傳述不衰又有党
佩箴郃陽舉人嚴重有威士民敬之後以憂去邑
人復聘主
書院講習

洵咸同間 誰稱善教 桃李滿門 謝公庚照

公初名天眷城固舉人司鐸雒南時每歲必招集
士子多名在署肄業朝夕講改循循善誘學者稱
為西垣
先生

張盧二王 品端學正 司訓多年 士猶愛敬

張恕蒲城歲貢性情和藹人多愛之同治壬申卒
於官盧樹政大荔舉人品學端正克守厥職在雒

三次俸滿推升西安府教授以去光緒間有王杞咸甯歲貢王象賢郿縣舉人平恕近人紳士皆情敦意洽後杞卒於官象賢亦以告病卒於籍

巡檢趙全 均能佐治 周更清廉 飄然歸去

巡檢駐三要司道光間有元和趙洙遇事勤慎信陽全步青克慎職守光緒間有周君得新係永甯諸生在雒時年逾六旬布衣蔬食自甘清苦日與士民相往還若不知為官也者署事年餘即致任里歸

典史徐謝 且若潘汪 在官勤慎 民念不忘

典史嘉慶間有會稽徐旭道光間有山陰謝潮恩咸豐間有懷甯潘賢後同治間有石埭汪燾皆在

維南縣鄉土志卷一

十三

官勤慎與士民頗相契合惟潘君才具較優以歷年防勦出力屢保升知縣以去謝與汪俱卒於官餘均不聞其行事故無能述

盧任城守 忘其為官 去日祖道 筵滿河干

盧名文蔚商州人同光間任雒城守十有餘年樸直和藹人地允宜後調巒庄把總以去士民祖道者從東門外至晉公祠一二里中幾無隙地歷任邑侯咸推重之

兵事錄

漢伐三秦 高帝雄略 渠率七姓 遷居商洛

案宇記曰漢高祖發巴蜀人伐三秦遷巴蜀渠率七姓居於商洛

晉臣閻鼎 翊戴秦王 止洛遇賊 從被襲傷

晉閻鼎鳩聚西州流人欲還鄉里值京師失守秦王出奔乃與撫軍長史王毗司馬傅遜懷翊戴秦王之計謂左長史劉疇太傅參軍劉捷等曰山東非霸王處王如關中流民謂北道近河懼有抄截欲南自武關向長安疇等皆山東人不願西入井逃散鼎遂奉秦王行止上洛為山賊所襲殺百餘人率餘眾西至藍田

淮南縣鄉土志卷一

十四

所幸賈疋 驅逐劉聰 奉迎秦王 遂入鎬京

時劉聰向長安為雍州刺史賈疋所逐走還平陽疋遣人奉迎秦王遂至長安

驅氏入洛 秦將康官 義兵犄之 賴黃金算

晉義熙十一年後秦將康官驅略白鹿原氏數百家奔上洛太守宋林拒之商洛人黃金算起義兵犄官官乃率眾歸罪

掠上洛郡 符秦遣箐 屢於此地 踴躍用兵

晉書前秦記載

姚萇遣子 兼攻上洛 却恢為援 警退姚略

晉書郝恢傳後秦姚萇遣其子略攻湖城及上洛
恢遣梁州刺史王正引率眾出子午谷以為聲援
略懼而退恢以功進征
虜將軍領秦州刺史

節閔託瘖 居龍華寺 人言寺中 有天子氣

疑懷異圖 帝懼禍作 當莊帝時 逃匿上洛

後魏節閔皇帝正始中襲爵位給事皇門侍郎以
元又擅權託稱瘖疾居龍華佛寺永安未有白莊
帝言帝不語將有異圖人間遊聲又云常有天子
氣帝懼禍遂逃匿上洛尋見追躡送京師拘禁多
日以無
狀獲免

逮謀廢立 恐真不語 謂天何言 世隆乃喜

淮南縣鄉土志卷一

十五

及莊帝崩尔朱世隆等以元暕非人望所推將謀
廢立恐帝實不語乃入帝所親申意兼迫脅帝曰
天何言哉世
隆等乃大悅

奉帝東郭 禪讓禮成 百官侍衛 入居神京

及元暕至印南世隆等奉帝東郭行
禪讓禮百官侍衛入自建春雲龍門

刺史泉企 奮力疆場 大破梁軍 保我順陽

後魏永安中上洛刺史泉企大破梁將王
元真於順陽原注順陽即據陽詳見北史

神武西討 高昂進趣 克上洛城 泉企被執

後魏天平三年十二月丁丑神武自晉陽西討遣
僕射汝陽王暹司徒高昂等趣上洛大都督竇泰

入自潼關四年正月竇泰軍敗自殺神武軍次蒲津以冰薄不得赴救乃班師高昂攻克上洛執其刺史
泉企

元感引兵 陟遇諸軍 一日三敗 窮感來奔

隋大業九年楊元感攻宏農城三日不拔乃引而西至閿鄉宇文術衛文昇屈突通來護兒等軍追及之元感布陣亘五十里且戰且走一日三敗及獨與十餘騎介上洛

煬帝東幸 塹決襄陽 直達上洛 密置關防

隋仁壽四年十一月煬帝幸洛陽發丁勇十數萬掘塹自龍門東接長平汲郡抵臨清關渡河至浚儀襄陽達於上

洛以置關防 雒南縣鄉土志卷一

十六

大業年中 天下盜起 據洛周洮 終降唐室

隋大業十三年煬帝南遊江都天下盜起周洮據上洛義甯二年正月周洮降詳唐書高祖本紀

隋張仲瑛 為上洛令 部下殺之 歸唐順命

大業末仲瑛為上洛令及唐義兵起城守部下殺之以歸義詳見北史

回紇入寇 詔郭子儀 奈解兵柄 部曲散離

唐代宗時僕固懷恩陰召回紇吐蕃入寇拜郭子儀為關內副元帥鎮咸陽子儀自相州罷歸部曲散離逮承詔麾下纔數十騎驅民馬補行隊

亟收士卒 軍始浸完 會張知節 迎於洛南